

Portefeuillehouder

n.v.t.

Datum collegebesluit

n.v.t.

Opsteller

Mevrouw M. Terpstra, FNP

Registratie

GF.15.20054

Agendapunt

Onderwerp

Ynfiering bernelintsje

Voorstel

Mei yngong fan 1 oktober 2015 bernelintsjes yn te fieren

Aanleiding

"Partispaasje" en "mienskip" binne wurden dy elts jier werom komme as der keninklike lintsjes útrikt wurde en de wurdearring útsprutsen wurdt foar minsken harren dwaan foar de mienskip.

Ek yn de gemeente Hearrenfean binne dit jier fjouwer lintsjes útdield.

Mar werom komme net alle bewenners yn de gemeente hjir foar yn oanmerking?

As bewenners en oerheid dizze wurden sa wichtich fine en dit yn de takomst sa hâlde wolle, meie wy hjir wol mear yn ynfestearje.

Sprekwurden lykas: "Bern binne de takomst" en "Jong leard is âld dien" sizze genôch. Ek bern soene in foarm fan wurdearring lykas as in bernelintsje krije meie foar harren dwaan!

Takenning fan bernelintsje:

Foar wa is in bernelintsje?

Bern dy neffens harren omjouwing (famylje, freonen en kunde fan skoalle en doarpen) in bysûndere prestaasje levere ha, kinne yn oanmerking komme foar in bernelintsje. Bysûndere prestaasjes kinne hiel ferskaat wêze. Sa kinne jo bern oanmelde dy in heldendied ferrjochte ha, bygelyks troch in bist te rêden. Mar ek bern dy harren ynsette foar harren omjouwing, buert as strjitte.

Bern kinne oanmeld wurde troch minimaal twa minsken, mei stipe fan twa tsjûgen. Sawol folwoeksenen as bern kinne bern oanmelde. De ûnderskieding is foar alle bern oant 18 jier dy 't wenje yn de gemeente Hearrenfean. De oanmeldings wurde skriftlik yntsjinne troch in oanfraachformulier. Dizze oanmeldings wurde beoardiele troch in sjuery.

Wannear?

Bernelintsjes wurde útrikt op de "Dei fan de rjochten fan it bern" fan Unicef. Dit is elts jier op 20 novimber. De boargemaster giet nei de skoalle fan de bern om de bernelintsjes út te rikken.

De sjuery

Úterlik 1 oktober moatte alle oanfragen yntsjinne wêze by de gemeente. Dernei folget in besletten byienkomst fan de sjuery, wêryn bepaald wurdt wa fan de bern yn oanmerking komt foar dizze bysûndere ûnderskieding. Bernelintsjes wurde yn de foarm fan in medalje mei ynskripsje en in oarkonde jûn. Fansels sil oant it lêst ta geheim bliuwe wa in bernelintsje kriget.

Koartom: in wurdearring fanút de gemeente foar bern dy't harren belangeleas ynsette foar de mienskip!

Effecten

Troch it ynfieren fan it bernelintsje wurdt de selsrêdsumens en sosjale belutsenheid fan de bern wurdearre. Hjirtroch leare bern dat it op priis steld wurdt as jo jo ynsette foar de mienskip en is de kâns grutter dat sy dat yn de takomst ek dwaan bliuwe.

Beleid en regelgeving

Regels voor het toekennen van het bernelintsje Heerenveen.

Namens de FNP-fractie,

Mevrouw M. Terpstra

Onderwerp

Ynfiering bernelintsje

De raad van de gemeente Heerenveen;

gelezen het voorstel van de mevrouw Terpstra van de FNP;

gelet op artikel 38 van het Reglement van Orde van de gemeenteraad van Heerenveen;

Besluit

1. Oer te gean ta it ynfieren fan it bernelintsje sa as beskreaun stiet yn "Regels voor toekenning van het bernelintsje Heerenveen".
2. Het college te verzoeken voorbereidingen te treffen voor invoering van het bernelintsje Heerenveen.

Aldus vastgesteld in de openbare raadsvergadering van 29 juni 2015.

de griffier,

de voorzitter,

mevrouw W.J.M.A. Jansen

de heer T.J. van der Zwan